

Bavariæ Ducatus.

434

Regio, & unde dicta.

Situs.

Celi temperies.

Soli fertilitas.

Animalium

varietas

B*avaria* nuncadeunda est, ab Avaribus Hunnorum reliquijs, qui Noricis puls in ea terra confedére, littera adjecta, dicta. Dicitur & *Boiaria* a Boijs Cisalpinæ Galliæ populis, qui hoc loco aliquando sedes habuisse leguntur: Vulgo *Beyeren*. Habet ab Oriente Austriam: ab Occasu Sueviam, qua Meridies est, Alpes adjacent illi Rheticæ: qua Septentrio Franconia. Longitudo Milliarius Ger. xxix. Latitudo xxv. Aer ut plurimum salubris, ac regio amœna est: in universum satis ferax, non æque tamen Vini ac Frumenti, quamvis & Vinum gignat nonnullis locis, sed agrestius. Generosius Vinum importatur ex Alsatia, Francia, & Austria. Magna copia Frumenti invenitur circa Ratisponam & Landshutum. Abundat insuper Sale, arborum Fructibus, Ferro, Pecore, Volucris, Feris, omnibus denique ad victum, cultum & usum vitæ spectantibus. Sues glandibus silvestribusque pomis tanta copia nutrit, ut veluti Hungaria Boves, ita hæc Sues plurimis Europæ regionibus suppeditet. Præter Ursos item, Apros, & cæteras ejusmodi Feras, centenarios Cervorum alit greges, quos absque consensu Principis venari, crimen est. Anno c i o i o l x i i, xxii die Augusti, Cervus in Bavaria captus scribitur, tanta corporis vastitate & mole, ut libras i o c x x v exhibuerit. Sedes hic quondam habuerunt, *Narisci, Vindelici, & Norici*. *Nariscos* qui hodie *Nortgovv* Aventino, vel *Narcan* Melanctoni, a cæteris Danubius dividit. *Vindelici* ex antiquorum descriptione inter Rhetos & Noricos sitii sunt. *Rhatia* duplex est, una latior, quæ Vindelicos Noricosque & Rhetos propriè dictos complectitur: altera strictior. Vindelicos a Rhetis determinat Lycus, si Ptolemæo est fides. Sin Strabonem sequimur, Rhenus & Lacus Brigantinus, quem nos in Helvetiæ descriptione monstravimus, eosdem a Germanis separat Danubius, ab Italia Alpes, Originem nominis Vindelicorum rectè observavit ex Ricardo Marcus Vellserus.

Respicit & late fluvios Vindamque Lycumque

Miscentes undas, & nomina littoris, unde

Antiquam gentem, populumque urbemque vocarunt

Vindelicam.

Vindelicorum quænam gentes urbeshq; fuerint ex Plin. & Ptol. cognosci potest. Ad hos vincendos missi sunt ab Augusto, Tiberius Claudius Nero, & Nero Claudius Drusus, ambo Imperatoris Privigni, qui copias Barbarorum exiguis prælijs dispersas ac dissipatas aggressi, facile vicerunt inque suam potestatem redegerunt. Vide Paterculum lib. ii. Dionem lib. lrv, & Horat. lib. iv. Odar. *Norici* initium capiunt a flumine Oeno: vergunt ad Orientem & Austrum, ad Hungariam & Italiam usque. Horum magna in bello vis fuit, utpote qui bello adsuæti limitaneos Romanos semper oppugnarent. Indicio est Ensis *Noricus* Horatio celebratus. Etiam inscriptio quæ cis Danubium inventa ita habet: DIS MANIBVS ET MEMORIAE LEGIONUM. ET MEMORIAE MISERRIMORUM, VINDELICIS PRAEFECTIS MO-CENIANIS ET VICTORI ET AURELIO FILIIS VINDELICIS SURINUS INFELIX PATER F. C.

Bavaria.